

Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

12.07.2018թ.

17-2-4048

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյան, վերանայելով Արթուր Յուրիխանյանի դիմումի շուրջ ստեղծված նյութերը՝

Պ Ա Ր Զ Ե Ց Ի

2018թ. հունիսի 22-ին Երևան քաղաքի Լեոյի փողոցի 52 շենքի 2 բնակարանի բնակիչ Ա.Յուրիխանյանը դիմում է հասցեագրել այն մասին, որ սույն թվականի հունիսի 14-ին ԱԴ թիվ 605671 որոշմամբ տուգանվել է, որի հետ համաձայն չէ, քանի որ ճանապարհը հատել է սահմանված գծանշումով:

Դիմումի ուսումնասիրությամբ պարզվել է, որ 2018թ. հունիսի 14-ին ժամը 16.20-ին Երևան քաղաքի Լեոյի փողոցում Ա.Յուրիխանյանի կողմից վարած «Վագ» մակնիշի 15 XX 150 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 5-րդ սպայական դասակի ավագ տեսուչ, ոստիկանության մայոր Լ.Առաքելյանի և նույն դասակի տեսուչ, ոստիկանության մայոր Կ.Գևորգյանի կողմից ճեկ-ի խախտման համար, այն է՝ վարորդը Լեոյի փողոցում կատարել է հետադարձ՝ հատելով հակադիր հոսքերն իրարից բաժանող հոծ գծերը: Վարորդի նկատմամբ կազմվել է համապատասխան արձանագրություն և, համաձայն ՀՀ ՎիՎ օր-ի 124-րդ հոդվածի 2-րդ մասի, կայացվել ԱԴ թիվ 605671 որոշումը՝ վերջինիս 10.000 դրամ տուգանելու մասին:

2018թ. հուլիսի 9-ին հեռախոսակապի միջոցով, քաղ. Ա.Յուրիխանյանը հրավիրվել է ճանապարհային ոստիկանության ճՊԾ բաժին՝ իր դիմումի քննարկմանը մասնակցելու, որտեղ վերջինիս ցուցադրվել է իրավախախտման տեսանյութը և տեղանքի տեսանյութը, ինչից հետո նա իր գրավոր բացատրությամբ հայտնել է, որ համաձայն չէ խախտման հետ: Դիմումատուին հայտնել է նաև, որ իր դիմումին ավելացնելու ոչինչ չունի, խնդրել է դիմումը քննարկել և արդյունքների մասին իրեն տալ գրավոր պատասխան:

Այսպիսով, ծառայողների կողմից ներկայացված իրավախախտման տեսանյութի և տեղանքի տեսանյութի համադրմամբ պարզվել է, որ Ա.Յուրիխանյանի արարքում առկա է Վարչական իրավախախտումների վերաբերյալ ՀՀ օրենսգրքի 124 հոդվածի 2-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Ա.Յուրիխանյանի դիմումը թողնել առանց բավարարման, իսկ ճանապարհային ոստիկանության ճՊԾ 1-ին սպայական գումարտակի 5-րդ սպայական դասակի տեսուչ, ոստիկանության մայոր Կ.Գևորգյանի կազմած վարչական իրավախախտման արձանագրության հիման վրա կայացրած 2018թ. հունիսի 14-ի ԱԴ թիվ 605671 որոշումը՝ Արթուր Յուրիխանյանին տաս հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

Կատարող՝ Չ.Սելբոնյան
հեռ.011-567944



Ե.Կարապետյան

